

Arubiano Rick Rikkengaa, "Double R", destacando na Hulanda

logrando exito grandi cu su hit "Alles voor jou"



ORANJESTAD (AAN): Mas noticia procedente di Hulanda! Den e ultimo dos siman, por a mira y tende un otro logro den e mundo artistico di un di nos artistanan naci na Aruba.

E no ta desconoci, pues ta trata di Rick Rikkengaa mi-hor conoci como "Double R", kende awor a lanza un otro hit "Alles voor jou".

Como cu e cantica ta hot actualmente riba radio, DIARIO a nota con hobenan local ta logra yega leu no solamente den Deporte of cualkier otro rumbo pero tambe den e mundo di Farandula y Musica.

Corda con aña pasa un di su tophit "Papa Gaat Nergens" a logra yega den nos Top 100 y a inspira hopi hoben na e edad young cu un famia.

Banda di e bida artistico Double R tambe ta conoci como un bon producer. Ademas di ta un hoben cu ta traha duro pa su meta el a logra di tin su mesun record label "G Thing Records".

Pa e mesun seyo disqueru aki, su ruman Micheal R (conoci como "Silunz") y diferente otro artista ta bin graba bao di e Record label aki den su Studio na Europa.

E ta hopi reconoci pa e manera cu e ta trece su cancionnan dilanti y door di tin un voz aparte cu ta atrae diferente musico pa graba



cancion hunto cune. Tambe ta asina cu mayoria di su cancionnan cu e ta compone, ta inspiracion a base di su bida y con el a logra di yega na unda e ta awe.

Como un artista hopi conoci na Europa y tambe Aruba, Rick ta keda habri pa tur esnan cu tambe kier logra y tin interes den e bida di musica. Como semper el a keda gradici Señor pa tur loke el a logra.

Via di DIARIO, e kier gradici tur su fanaticonan di Aruba, famia y tambe tur

esnan cu ta apoye. Como tambe e kier inspira otro nan cu kier cuminsa of sigui den e bida di musica pa semper keda focus riba bo meta.

Manera semper ta su dicho: "Loke ta importante ta pa

semper kere den bo mes y ni maske kico pasa, keda pensa positivo".

Pesey indudablemente, DIARIO ta sigur cu Aruba ta masha contento di mira un yiu di terra logra algo grandi

un biaha mas den nan bida. "Be bold enough to use your voice, Brave enough to listen to your hearth and strong enough to live the life you always imagined."